

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41/2014, 53/16 dhe 83/18), duke vepruar sipas njoftimit të përqendrimit të dorëzuar nga MKG Properties Limited, me seli në The Oval, Office 502, Krinou 3, 4103 Agios Athanasios, Limassol, Qipro, e dorëzuar përmes avokates Tatjana Popovski Buloski nga Shoqëri e Avokatëve Popovski dhe Partnerëve nga Shkupi, në seancën e mbajtur më 19.10.2022, solli

#### AKTVENDIM

Vërtetohet se përqendrimi me të cilin MKG Properties Limited, me seli në The Oval, Office 502, Krinou 3, 4103 Agios Athanasios, Limassol, Qipro, do të fitoj kontroll të vetëm mbi BLONDOSTONE GROUP LIMITID- Qipro me seli të regjistruar në Qendrën Trident, Griva Digeni, 115, 3101 Limassol, Qipro, përmes shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.

2. Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 10000000063095, llogarinë e pagesës 840.....03161, shifrën e të ardhurave dhe programin 72231300.

3. Padia për ngritjen e kontestit administrativ nuk e prolongon përmbardimin e aktvendimit.

#### Arsyetim

Në përputhje me nenit 15 të Ligjit për mbrojtjen e konkurrencës (në tekstin e mëtejshëm: Komisioni), më datën 19.09.2022, në Komisionin për Mbrojtjen e Konkurrencës (në vijim: Komisioni), është dorëzuar njoftim i përqendrimit nga MKG Properties Limited, me seli në The Oval, Office 502, Krinou 3, 4103 Agios Athanasios, Limassol, Qipro, me të cilin MKG Properties Limited do të fitoj kontroll të vetëm mbi BLONDOSTONE GROUP LIMITID- Qipro me seli të regjistruar në Qendrën Trident, Griva Digeni, 115, 3101 Limassol, Qipro, përmes shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

**-MKG Properties Limited** është një kompani brenda Grupit MK. Aktivitetet e Grupit MK ndahen në pesë departamente kryesore:

- Departamenti i MK Agri për bujqësi i cili përbëhet nga katër nën-departamente: MK Farming, MK Trading, MK Meso dhe MK Sheqer. Disa nga shoqëritë aktive në këtë departament janë Sunoko, PIK Beçej dhe Karneks;
- MK Finance është një departament aktiv në sektorin financiar. Përveç AIK Banka, Nasha AIK Banka dhe Gorenjska Banka, M&V Investments është aktive në veprimtari ndërmjetësimi dhe burse gjithashtu është pjesë e departamentit;
- MK Turizmi konsiston në pjesëmarrjen në hotele dhe patundshmëri në Kroaci dhe Slloveni;
- Departamenti i MK Energy është aktiv në fushën e prodhimit të energjisë elektrike nga burimet rinovuese (era dhe biomasa). Shoqëria nga ky departament është MK Fintel Vind, në pronësi të Grupit MK dhe
- Mbështetja e MK përbëhet nga kompani, qëllimi i të cilave është të ndihmojnë dhe mbështesin të gjithë sistemin e Grupit MK.

Grupi MK nuk ka shoqëri të regjistruara në Republikën e Maqedonisë së Veriut, por është aktive përmes departamentit të saj MK Agri në fushën e shitjes së mishit dhe produkteve të mishit dhe shitjes së sheqerit. Grupi MK, në periudhën e kaluar ka realizuar të ardhura në Republikën e Maqedonisë së Veriut përmes shitjes së bimëve të drithit, farave vajore dhe ushqimit për kafshë.

**BLONDSTONE GROUP LIMITID** së bashku me kompanitë e lidhura me të është aktive në fushën e turizmit, gjegjësisht në industrinë e hotelarisë. Aktivitetet kryesore të BLONDSTONE GROUP LIMITID janë në Serbi, ku grupi është aktiv përmes kompanisë Prigan d.o.o. Beograd mbi të cilin BLONDSTONE GROUP LIMITID ushtron indirekt kontroll të përbashkët me grupin Austriak Soravia.

Grupi i BLONDSTONE GROUP LIMITID nuk ka shoqëri të varura në Republikën e Maqedonisë së Veriut dhe nuk gjeneron të ardhura në Republikën e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

## **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURENCËS**  
**Prof. Dr. Владимир Наумовски**